

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

CERTAME XUEGOS DEPORTIVOS DEL PRINCIPÁU D'ASTURIES 2019/2020

PROGRAMA XUEGOS DEPORTIVOS ESCOLARES EN CASA

De resultes de l'aprobación del Real Decretu 463/2020, de 14 de marzu, declárase l'estáu d'alarma pa la xestión de la situación de crisis sanitaria causada pol COVID-19, per un tiempu de quince díes naturales, prorrogables, a cuntar desque se publicó nel Boletín Oficial del Estáu, el sábadu 14 de marzu de 2020.

Dende esi momentu'l necesariu confinamientu de la población en xeneral y de los deportistes inscritos nos Xuegos Deportivos Escolares y Xuegos de Deporte Adaptáu en particular, fixo qu'estos hubieren d'abandonar la so participación nos Xuegos suspendiéndose la competición y con ella la práctica deportiva.

Pa desanicar los efectos perversos del confinamientu necesariu, el Gobiernu del Principáu d'Asturies al traviés de la Dirección Xeneral de Deporte y col sofitu de la Conseyería de Salú, creyó conveniente convocar un certame pa desenvolver actuaciones collaboratives con calter desinteresáu, que redunden en beneficiu del conxuntu de la población unviando mensaxes d'aliendu dende un sector especialmente solidariu y que representa los valores del deporte como son los Xuegos Deportivos Escolares y de Deporte Adaptáu nestos momentos escepcionales.

Nel marcu descritu la Conseyería de Cultura, Política Llingüística y Turismu, al traviés de la Dirección Xeneral de Deporte, convoca'l Certame CASERU de dibuxu, microrrelatos y poemes **"Xuegos deportivos escolares en casa-desafío COVID-19 / Xuegos deportivos escolares en casa-desafío COVID-19"**, como parte de les actividaes empobinaes a los escolares inscritos nos Xuegos Deportivos Escolares y Xuegos de Deporte Adaptáu, pa que dende el compromisu #yo quedo en casa, amuesen los sos mensaxes d'aliendu a la sociedá asturiana.

Los dibuxos, microrrelatos y poemes van tener como tema los Xuegos Deportivos Escolares, concretamente la modalidá deportiva que practica cada escolar inscrite, y han especificar, amás de la modalidá deportiva, la categoría na que compiten, faciendo referencia a valores referíos al espíritu deportivu, d'equipu, convivencia, esfuerzu y respetu a les normes.

Los mensaxes d'aliendu yá seyan dibuxos, microrrelatos o poemes tienen de presentase en formatu PDF o al traviés d'una fotografía, nel que tamién tendrán d'incluyise los datos de los y les deportistes, l'email de contactu de los sos proxenitores o tutores y dar el preste pal tratamientu de los datos y l'usu de los dibuxos por parte de la DX de Deporte p'actividaes rellacionaes colos Xuegos Deportivos Escolares, y va unviase a la dirección de corréu DGDEPORTESCOVID-19@asturias.org

La fecha llímite de recepción de dibuxos va ser l'últimu día del confinamientu decretáu pol Gobiernu d'España y, mientres dure la cuarentena los mensaxes recibíos nel corréu más arriba señaláu, van dir publicándose al traviés de les diverses redes sociales y páxines web del gobiernu asturianu como una bona práctica, una más, que nos ayude a resalvar ente toos estos momentos, y too ello con arreglu a les siguientes:

BASES DEL CERTAME

1. **Tema:** Los míos Xuegos Deportivos Escolares dende casa: "Xuegos deportivos escolares en casa-desafío COVID-19 / Juegos deportivos escolares en casa-desafío COVID-19".

GOBIERNO DEL PRINCIPÁU D'ASTURIES

CONSEYERÍA DE CULTURA, POLÍTICA LLINGÜÍSTICA Y TURISMU

2. **Participantes:** Van poder participar neños y neñes n'edá escolar, inscritos nos Xuegos Deportivos Escolares y Xuegos de Deporte Adaptáu 2019-2020, según les categoríes de les sos respectives modalidaes deportives. Van poder presentase trayayos en castellán, asturianu o gallego-asturianu.
3. **Presentación:** Cada deportista va presentar un únicu trayayu por modalidá deportiva na que participe, en formatu PDF o al traviés d'una fotografía.
4. **Entrega de los trayayos:**
 - a. Fecha llímite de recepción: hasta l'últimu día de confinamientu.
 - b. Forma de presentación: Los trayayos han ser presentaos en formatu electrónicu como un únicu archivu PDF o al traviés d'una fotografía y unviaos a les señes de corréu electrónicu DGDEPORTESCOVID-19@asturias.org. Nel nome del archivu unviáu ha constar el nome y apellíos del deportista o la deportista.
 - c. Amás, va haber qu'indicar los datos del deportista: nome y apellíos, edá, modalidá deportiva, equipu y categoría, email de contactu de proxenitores o tutores, autorizar el consentimientu d'estos pal tratamientu de los datos y l'usu de los dibuxos, microrrelatos o poemas per parte de la DX de Deporte p'actividaes relacionaes cola celebración de los Xuegos Deportivos Escolares y de Deporte Adaptáu.
5. **Exhibición:** Los dibuxos, microrrelatos o poemas van poder exhibise pol gobiernu del Principáu d'Asturies pa facer llegar al conxuntu de la sociedá asturiana los mensaxes de aliendu de los deportistes participantes nos Xuegos Deportivos Escolares y de Deporte Adaptáu 2019-2020.
6. **Gallardones:** Nel so casu, con ocasión de la clausura de los Xuegos Deportivos Escolares y de Deporte Adaptáu los participantes nos mesmos y nesti certame van recibir les medayes o trofeos correspondientes a la so participación nos xuegos.
7. **Bases:** La participación nesta convocatoria supón l'aceptación de les presentes bases, que van poder ser interpretaes ya integraes pola DX de Deporte naquellos aspectos que nun tuvieren previstos nes memes. Los participantes eximen a la DX de Deportes de cualesquier responsabilidá derivada del plaxu o de cualesquier otra trasgresión de la lexislación vixente na que pudiera incurrir dalgún de los participantes.
8. **Cesión de derechos d'autor y confidencialidá:** La DX de Deportes adquier los derechos de reproducción, esplotación y esposición de les obres que se presenten pa los fines equí indicaos. La participación nel certame implica un consentimientu espresu d'usu de los datos pa publicar los trayayos nes redes sociales, páxines web del Gobiernu asturianu y materiales d'usu y espardimientu de los Xuegos Deportivos Escolares y de Deporte Adaptáu nel marcu de les competencies del Deporte Asturianu.